



Republika e Kosovës
Republika Kosova – Republic of Kosovo
Qeveria – Vlada – Government

Këshilli i Ministrave për Reformën e Administratës Publike

PROCESVERBAL

i takimit të dt. 02 nëntor 2016 të

Këshillit Ministror për Reformën e Administratës Publike (KMRAP)

Hapja e takimit

Ministri i Administratës Publike Z. Mahir Yagcilar, kryesues i takimit, ka hapur punimet e takimit duke mirëpritur të pranishmit dhe vlerësoi se ky takim vie në një moment të rëndësishëm për procesin e reformës së administratës publike duke pasur parasysh se është duke u punuar në hartimin e analizës për rishikimin kualitativ të agjencive dhe institucioneve të pavarura, gjithashtu është në proces rishikimi i dy strategjive si Strategjia për Përmirësimin e Planifikimit dhe Koordinimit të Politikave dhe Strategjia për Rregullim më të Mirë, si dhe është duke u punuar në përmirësimin e legjislacionit primar për administratën publike si ligji për shërbimin civil, ligji për pagat, dhe ligji për organizmin e administratës shtetërore. Sipas Ministrit Yagcilar fushëveprimi i ligjit për organizim të administratës publike synohet të zgjerohet në mënyrë që në të ardhmen të ekzistojë një kornizim ligjor i mirëfilltë për organizim të tërë administratës publike.

Ministri Yagcilar falënderoi SIGMËN dhe përfaqësuesit e Bashkimit Evropian për përkrahjen e tyre në procesin e RAP në Kosovë.

Ministri Yagcilar theksoi se muajin tjetër pritet që draft kontrata për përkrahje të buxhetit të sektorit ti paraqitet për aprovim Komisionit Evropian së bashku me indikatorët dhe afatet kohore për përmbushjen e aktiviteteve.

Ministri Yagcilar përshëndeti aprovimin e Strategjisë për Reformë të Menaxhimit të Financave Publike 2016 – 2020 nga ana e Qeverisë së Kosovë dhe theksoi përkrahjen e Ministrisë së Administratës Publike në zbatimin e këtij dokumenti strategjik.

1) Hapat e ardhshëm për zbatimin e Strategjisë për Reformë të Menaxhimit të Financave Publike 2016 – 2020

Raportimi nga ZV. Ministri i Financave Z. Agim Krasniqi

Lidhur me hapat e ardhshëm të zbatimit të Strategjisë për Reformë të Menaxhimit të Financave Publike, ZV. Ministri i Financave të Republikës së Kosovës Z. Agim Krasniqi vlerësoi se Qeveria ka miratuar me kohë këtë strategji në hartimin e së cilës kanë qenë të përfshira të gjitha institucionet relevante përfshirë Zyrën e Auditorit të Përgjithshëm, Komisioni Rregullativ i Prokurimit Publik, etj. Ekipi Përgjegjës i përbërë nga 16 anëtarë ka identifikuar 12 prioritetet strategjike të ndërtuara mbi katër shtylla.

ZV. Ministri Krasniqi shtoi se pas hartimit të strategjisë dhe planit të veprimit janë organizuar takime konsultuese me partnerë zhvillimorë si organizatat e shoqërisë civile dhe është organizuar Dialogu për Menaxhim të Financave Publike – ku është mirëpritur prezenca e përfaqësuesve të shoqërisë civile.

Nga takimet me përfaqësues të Komisionit Evropian përfshirë z. David Cullen, janë prezantuar hapat e ardhshëm të zbatimit të kësaj strategjie përfshirë si në vijim: Në bashkëpunim me SIGMËN janë duke u finalizuar të gjitha aktivitetet e kompletimit të pasaportës së indikatorëve dhe analizës së riskut të strategjisë. Analiza e riskut është pjesë e konkluzioneve të takimit të Dialogut për Menaxhim të Financave Publike ndërsa pasaporta është pjesë e sistemit të unifikuar monitorimit dhe raportimit të kornizës strategjike për RAP. Për këtë qëllim, jemi në fazën e finalizimit të vendimit për themelimin e Grupit Punues për Menaxhim të Financave Publike që do të monitorojë zbatimin e strategjisë dhe do të bëjë organizimin e dialogut me partnerë zhvillimorë dhe organizata të shoqërisë civile, si kërkesë që ka rrjedhur nga Dialogu për MFP.

ZV. Ministri Krasniqi ka shtuar se ka filluar faza e parë e projektit të BE Action Document Light në kuadër të programit IPA 2017. Themelimi i grupit koordinues do të ndihmojë sektorin e menaxhimit të financave publike.

Diskutim i hapur:

Koment nga Ministri Yagcilar: Duhet pasur kujdes me themelimin e Grupit Punues në krijimin e linjave të këtij forumi dhe forumit për mbikëqyrje të reformave të administratës publike, dhe se pasaporta e indikatorëve duhet të jetë koherente me sistemin e monitorimit dhe raportimit për RAP.

2) Progresi në rishikimin e Strategjisë për Përmirësimin e Planifikimit dhe Koordinimit të Politikave 2015-2018, dhe Strategjisë për Rregullim më të Mirë 2014 – 2020

Raportim nga z. Qemajl Marmullakaj, Drejtor i Zyrës për Planifikim Strategjik, Zyra e Kryeministrit të Republikës së Kosovës

z. Qemajl Marmullakaj, në emër të Zyrës për Planifikim Strategjik dhe të Z. Arben Krasniqi nga Sekretariati Koordinuesi i Qeverisë raportoi për progresin në rishikimin e dy strategjive në kuadër të

ZKM si Strategjisë për Përmirësimin e Planifikimit dhe Koordinimit të Politikave 2015-2018, dhe Strategjisë për Rregullim më të Mirë 2014 – 2020.

Z. Marmullakaj theksoi se sa i përket Strategjisë për Përmirësim të Planifikimit dhe Koordinimit të Politikave – përkitazi me metodologjinë e përcaktuar nga KMRAP dhe me përkrahjen e SIGMA është organizuar një punëtori në muajin korrik me c' rast është vendosur për metodologjitë për rishikimin e këtyre dy dokumenteve strategjike dhe është themeluar grupi punues nga ana e Sekretarit të Zyrës së Kryeministrit. Rekomandimet e SIGMËS kanë qenë udhërrëfyes në këtë proces të rishikimit. Është bërë rishikimi i objektivave bazuar në inputet e ofruara nga ana e ministrive dhe shqyrtimi i raporteve të ndryshme qeveritare dhe jo-qeveritare. Strategjia është përditësuar në bazë të komenteve dhe rekomandimeve nga ana OECD/SIGMA. Është synuar qasje realiste në zbatim të objektivave. Rishikimi është bërë vetëm në nivel të objektivave dhe indikatorëve të performancës duke përfshirë edhe planin e veprimit dhe kostimin përkatës. Tre objektivat e para janë fuzionuar në një objektivë të përbashkët.

Janë mënjeluar çështjet e përfshira në Strategjinë për Menaxhim të Financave Publike dhe është plotësuar kjo pjesë me tema që nuk janë përfshirë në Strategjinë për Menaxhim të Financave Publike dhe kjo është bërë në koordinim me Ministrinë për Financa Publike.

Është shtuar një objektivë e re duke synuar ngritjen e kapaciteteve kualitative dhe kuantitative bartëse të këtij procesi.

Z. Marmullakaj shtoi se paralelisht me Strategjinë për Përmirësim të Planifikimit dhe Koordinimit të Politikave, edhe Strategjia për Rregullim më të Mirë është duke u rishikuar – e cila bazohet në komentet e rekomandimet e SIGMËS dhe bazohet në përvojat më të mira të OECD. Andaj cikli i planifikimit synohet të bëhet përmes një evaluimi më të mirë të ndikimit, vlerësim, konsultim dhe komunikim të politikave. Një element i rëndësishëm është vlerësimi i ndikimit i cili synohet të jetë funksional në mënyrë graduale në vitin 2020. Synohet politikë-bërja e bazuar në prova përmes mbledhjes së të dhënave dhe konsultimeve me aktet qeveritare dhe jo-qeveritare. Aktivitetet për përmirësimin e politikave – janë bërë analiza për reduktimin e barrierave administrative, për këtë çështje nevojiten vendime politike në mënjanimin e barrierave administrative meqenëse implikojnë kosto shtesë por që sigurojnë përfitime në rast të vendosjes në fuqi. Është duke u punuar është në planet e veprimit dhe kostimit të këtyre dokumenteve.

Diskutim i hapur:

Ministri Yagcilar vlerësoi se është me rëndësi respektimi i afateve dhe ndoshta pas këtij takimi mund të arrijmë të përcaktojmë një datë.

3) Hartimi i pakos së legjisllacionit për administratën publike dhe analiza e rishikimit kualitativ të agjencive dhe institucioneve të pavarura

Raportimi nga z. Naser Shamolli, Drejtor i Departamentit Ligjor, Ministria e Administratës Publike të Republikës së Kosovës

Z. Shamolli paraqiti progresin në hartimin e pakos së legjislacionit për administratë publike bazuar në Konkluzionet e GVRAP dhe hartimin e analizës për rishikim të agjencive dhe institucioneve të pavarura: janë mbledhur të dhënat për pyetësinorin kuantitativ, në korrik 2016 është formuar grupi punues me përfaqësim të gjithë akterëve të RAP. Në fillim të shtatorit filloi puna e grupit punues, janë mbajtur disa punëtori – kemi gëzuar përkrahjen e SIGMËS me ekspertizë vendore dhe ndërkombëtare.

Z. Shamolli theksoi se puna e hartimit të legjislacionit është paraparë të bazohet në analizën e rishikimit kualitativ të agjencive dhe institucioneve të pavarura që numerikisht dalin rreth 80. Analiza do të jetë krahasuese në 4 elemente kryesore si marrëdhënia e punës, pagat, themelimi dhe organizimin i brendshëm si dhe llogaridhënia. Udhërrëfyesi për zbatim të konkluzioneve të analizës do të synojë ndalimin e agjencive të reja pa një analizë kost – benefit dhe si do të procedohet me agjencitë dhe institucionet ekzistuese. Është marrë parasysh risku politik mirëpo do të japim opsionet. Analiza do të publikohet para takimit të GVRAP ku do të shpalosen të gjeturat.

Z. Shamolli raportoi lidhur me progresin në hartimin e koncept-dokumenteve si dhe opsionet që janë paraparë me këto koncept-dokumente për ligjin për organizim të administratës publike, ligjit për shërbimin civil dhe ligjit për pagat në sektorin publik.

Po ashtu ai shtoi se tek shërbimi civil, ne si Ministri, por edhe nga raportet e ndryshme ka pasur vërejtje të vazhdueshme në kuptimin e fushëveprimit të shërbimit civil. Kjo mungesë na ka sjellë para një situatë që disa kategori të punësuarve të vetë cilësohen ose të përjashtohen nga shërbimi civil. Ndërkaq ka përmendur si opsion me i mirë është që ligji t'i përfshijë të gjithë të punësuarit në sektorin publik, duke i përjashtuar vetëm funksionarët publik dhe ushtrinë duke shtuar se tani jemi para një situatë që kemi një ligj për pagat e nëpunësve civil që nuk është ende plotësisht i zbatueshëm. Synohet që koncept-dokumentet të miratohen deri në fund të këtij viti nga ana e Qeverisë së Kosovës.

Diskutim i hapur:

Ministri Yagcilar komentoi se është i nevojshëm një konsensus politik në arritjen e synimeve për këtë pako të legjislacionit – dhe është i nevojshëm një rregullim i drejtë i administratës shtetërore.

4) Planifikimi dhe sigurimi i qëndrueshmërisë financiare për reformë të administratës publike

Raportimi nga ZV. Ministri i Financave Z. Agim Krasniqi

Ministri Krasniqi potencoi sfidat sa i përket sistemit të pagave në administratën publike. Ai shtoi se sa i përket sigurimit të qëndrueshmërisë financiare për reformë, ka kërkesa të shumta mirëpo një pjesë e buxhetit nuk është shpenzuar, ndërsa sa i përket buxhetit të vitit 2017 dhe KASH, pjesa më e madhe e

kërkesave ka të bëjë me teknologjinë informative janë rreth 17 milionë euro të planifikuara, në vitin 2018 janë 19 milionë euro dhe njëjtë edhe për vitin pasues . Kjo është ajo çfarë është paraparë për reformë.

Ai shtoi se në kuadër të MAP është planifikuar buxheti për implementim të Planin e Veprimit në reformë të administratës publike: për vitin 2017 janë paraparë 600.000 euro, për vitin 2018 janë paraparë 0.5 milionë euro si dhe e njëjta shumë për vitin pasues. Z. Krasniqi shtoi se është një buxhet i mirë-planifikuar dhe nevojitet një koordinim më i mirë. Ai shtoi se ky është një buxhet modest, jo aq sa është kërkuar por që i plotëson nevojat.

Diskutim i hapur:

Ministri Yagcilar vlerësoi se jemi të vetëdijshëm se është planifikuar buxhet për teknologjinë informative mirëpo kjo nuk po reflekton në reformë.

5) Kostimi i saktë i aktiviteteve për reformë të administratës publike dhe indikatorët e Kontratës për Reformë të Sektorit

Elaborat nga Z. Mahir Yagcilar, Ministër i Administratës Publike

Në kontekst të këtij diskutimi lidhur me sigurimin e qëndrueshmërisë financiare për reformë të administratës publike, një çështje shumë e rëndësishme është edhe kostimi i saktë i aktiviteteve për reformë të administratës publike si dhe përmbushja e indikatorëve të kontratës për përkrahje të sektorit.

Ministri Yagcilar theksoi se hartimi i një analize të saktë sa i përket vlerësimit të kostos financiare të zbatimit të kornizës strategjike për reformë të administratës publike jo vetëm që mundëson prospektet e zbatimit të reformave porë dhe është ngritur si kërkesë nga ana e Komisionit Evropian në mënyrë që të kemi një pasqyrë të qartë të pritjeve financiare për secilin aktivitet në kuadër të objektivave strategjike për reformë. Ne kemi kërkuar me shkrim nga të gjitha institucionet zbatuese të kornizës strategjike të RAP të na përcjellin vlerësimet e tyre për kostot financiare të aktiviteteve për secilën strategji përkatëse. Kemi parasysh se kostimi si proces mund të jetë sfidues, mirëpo mendoj se është e mundshme të realizohet një vlerësim i përafërt i kostos.

Përveq kostimit të kornizës strategjike, kostimi i pakos së legjislacionit për administratë publike e që konsiston në Ligjin për Organizim të Administratës Publike, Ligji për Shërbimin Civil dhe Ligji për Pagat në Sektorin Publik, në hartimin e së cilave ka filluar punën Ministria e Administratës Publike përmes grupit punues – gjithashtu është pjesë e rëndësishme e analizës së kostimit për reformë të administratës publike – e cila do të mundësojë të kemi një pasqyrë të qartë të resurseve të nevojshme. Nevoja për këtë analizë për më tepër rrit prospektet e zbatimit adekuat dhe shmangien e vonesave në zbatim të kësaj kornize të rëndësishme ligjore.

Përveq analizës së kostimit, një çështje tjetër tejet e rëndësishme që ndërlidhet me sigurimin e qëndrueshmërisë financiare të reformës, është edhe arritja e indikatorëve të Kontratës për Buxhet të Sektorit. Ashtu edhe siq është komunikuar nga përfaqësues të Komisionit Evropian dhe po ashtu cekur edhe në draftin e kontratës, përmbushja e indikatorëve nga ana e institucioneve të Kosovës do të jetë përcaktuese për ekzekutimin apo vendimin për transferim të transheve.

Për këtë do të bisedohet në takimin e radhës të GVRAP në dhjetor 2016.

6) Progresi dhe statusi i zbatimit të konkluzioneve të Grupit të Veçantë për Reformën e Administratës Publike – 2016

Raportimi nga Z. Arton Berisha, Sekretar i Përgjithshëm, Ministria e Administratës Publike

Z. Berisha në kontekstit të raportit të tij bëri të ditur se në qershor të këtij viti është mbajtur takimin e fundit të Grupit të Veçantë për Reformë të Administratës Publike i cili është përmbyllur me konkluzionet që kërkojnë ndërmarrjen e veprimeve në kompletimin e kornizës strategjike për reformë të administratës publike, hartimin e kornizës ligjore, respektivisht tre ligjeve për organizim të administratës publike, shërbimit civil dhe pagave në sektorin publik. Njëkohësisht është konkluduar kërkesa për sigurim të qëndrueshmërisë financiare për RAP dhe hartimit të analizës së rishikimit kualitativ, si dhe aprovimi i Strategjisë për Reformë të Menaxhimit të Financave Publike.

Konsiderojmë se është arritur progres i konsiderueshëm në realizimin e këtyre konkluzioneve:

- MAP ka filluar punën në hartimin e pakos së legjislacionit, është formuar grupi punues, janë hartuar tre-koncept dokumentet të cilat janë shqyrtuar në një punëtori dhe grupi punues ka vazhduar punën në hartimin ligjor;
- ZKM me ndihmën e SIGMËS ka iniciuar rishikimin e dy strategjive, janë mbajtur punëtori dhe pritët rishikimi i planeve korresponduese të zbatimit;
- MAP ka përfunduar mbledhjen e të dhënave për pyetësin e rishikimit kuantitativ – ndërsa ka filluar puna në hartimin e analizës së rishikimit kualitativ, është kontraktuar eksperti i SIGMËS, i cili ka përfunduar një pjesë të analizës, tani është duke u punuar në pjesën e konkluzioneve dhe rekomandimeve;

Megjithatë sigurimi i qëndrueshmërisë financiare të reformës, mbetet sfida përpara për tu zbatuar siq është kërkuar me këto konkluzione;

- Ndërsa puna në finalizimin e kontratës për përkrahje të buxhetit të sektorit ka vazhduar edhe në muajt në vijim;
- Është realizuar konkluzioni që kërkon aprovimin e Strategjisë për Reformë të Menaxhimit të Financave Publike nga ana e Qeverisë së Kosovës.

7) Progresi dhe statusi i zbatimit të konkluzioneve të Këshillit të Ministrave për Reformën e Administratës Publike – 2016

Raportimi nga Z. Arton Berisha, Sekretar i Përgjithshëm, Ministria e Administratës Publike

Sa i përket zbatimit të konkluzioneve nga takimi fundit i KMRAP, Z. Berisha tha se është arritur progres po ashtu - megjithatë mbetet po e njëjta sfidë si përcaktimi i mjeteve financiare nga Buxheti i Republikës së Kosovës për reformë të administratës publike si dhe vonesa e zbatimit të sistemit të klasifikimit të vendeve të punës;

Nuk është arritur të sigurohet funksionalizimi i strukturës për shërbimet publike administrative;

Cilësia e raportimit nga ana e institucioneve zbatuese të reformës edhe më tutje nuk është përmirësuar në raport me cilësinë e kërkuar sipas Koncept- Dokumentit për Monitorim dhe Vlerësim.

Megjithatë, është shënuar progres me aprovimin e Strategjisë për Reformë të Menaxhimit të Financave Publike nga ana e Qeverisë së Kosovës, është iniciuar kompletimi i kornizës strategjike për reformë të administratës publike dhe hartimi i analizës për rishikim kualitativ të agjencive me synim të përmirësimit të llogaridhënies në administratën publike të Kosovës.

Diskutim i hapur:

8) Paraqitja për miratim e Raportit Gjashtëmujor mbi Zbatimin e SMAP 2015 – 2020

Raportimi nga Znj. Erna Hasangjekaj, Drejtore e Departamentit për Menaxhim të Reformës, Ministria e Administratës Publike

Në fund Erna Hasangjekaj, Drejtore e DMRAP tha se në pajtim me mandatin institucional, Departamenti për Menaxhim të Reformës së Administratës Publike ka hartuar Raportin Gjashtëmujor Janar – Qershor 2016 mbi Zbatimin e Strategjisë për Modernizim të Administratës Publike të Republikës së Kosovës.

Znj. Hasangjekaj shtoi se për hartimin e këtij raporti, jemi bazuar në informacionet që kemi mbledhur nga institucionet zbatuese, në raport me aktivitetet e parapara për periudhat përkatëse në kuadër të Planit të Veprimit të Strategjisë – e gjitha kjo në pajtim me metodologjinë e përcaktuar nga Koncept- Dokumenti për Monitorim dhe Vlerësim të reformës së administratës.

Falënderojmë Sigmën dhe Komisionin Evropian në ofrimin e udhëzimeve dhe asistencës në hartimin e këtij raporti. Ajo foli po ashtu edhe për aktivitetet e zhvilluara dhe të arritura gjatë kësaj periudhe, ku theksoi se zbatimi i SMAP-it ende përballlet me sfida të shumta, sidomos në arritjen e rezultateve të synuara, ashtu edhe në fillimin e zbatimit të një numri të aktiviteteve të parapara me Planin e Veprimit.

Diskutim i hapur:

Pas diskutimeve të zhvilluara gjatë takimit, u arritën konkluzionet si në vijim:

1. Me synim të zbatimit të Strategjisë për Reformë të Menaxhimit të Financave Publike 2016 - 2020, Ministria e Financave të Republikës së Kosovës do të zhvillojë Pasaportën e Treguesve si dhe Kornizën e Monitorimit për këtë strategji, në pajtim me kornizën e përgjithshme për monitorim të reformës së administratës publike në Republikën e Kosovës;
2. Zyra e Kryeministrit të Republikës së Kosovës do të vazhdojë punën në rishikimin e Strategjisë për Përmirësim të Planifikimit dhe Koordinimit të Politikave 2015 – 2018, dhe Strategjisë për Rregullim më të Mirë 2014 – 2020. Gjithashtu, Zyra e Kryeministrit do të sigurohet që me përfundimin e rishikimit të këtyre dy strategjive, do të zhvillohen edhe planet përkatëse të zbatimit në pajtim me Pasaportën e Treguesve të përcaktuar nga Koncept-Dokumenti për Monitorim dhe Vlerësim të Reformës së Administratës Publike. Rishikimi i dy strategjive dhe planeve të tyre korresponduese të zbatimit pritet të përfundojë deri më x/x/ 2016;
3. Miratohet raporti mbi zbatimin e konkluzioneve të dala nga takimi i fundit i GVRAP të mbajtur më dt. 2 qershor 2016, si dhe kërkohet intensifikim i përpjekjeve të mëtutjeshme nga institucionet zbatuese për përmbushjen e këtyre konkluzioneve deri në takimin e radhës të GVRAP;
4. Miratohet raporti mbi zbatimin e konkluzioneve të takimit të fundit të Këshillit të Ministrave për Reformë të Administratës Publike (KMRAP);
5. Ministria e Administratës Publike do të vazhdojë të udhëheq punën në hartimin e pakos së legjislacionit për administratë publike në pajtim me Konkluzionet e GVRAP 2016, në grupin punues të së cilës bëjnë pjesë edhe përfaqësues të Ministrisë së Financave dhe Ministrisë së Integrimeve Evropiane;
6. Institucionet zbatuese të reformës së administratës publike, përfshirë Ministrinë e Financave, zotohen të zbatojnë rekomandimet që do të dalin nga Analiza e Rishikimit Kualitativ të Agjencive dhe Institucioneve të Pavarura – për organizim të administratës publike- hartuar nga Ministria e Administratës Publike me ndihmën e OECD/SIGMA;
7. Hartimi i pakos së legjislacionit për administratën publike, ashtu edhe siq përcaktohet me Konkluzionet e GVRAP 2016, do të bazohet në rekomandimet e Udhërrëfyesit të Analizës për Rishikimin Kualitativ të Agjencive dhe Institucioneve të Pavarura Rregullatore;

8. Zyra e Kryeministrit të Kosovës, Ministria e Administratës Publike, Ministria e Financave dhe Ministria e Integritetit Evropian do të vazhdojnë bashkëpunimin deri në pranimin e një vendimi final mbi Kontratën për Mbështetje Buxhetore;
9. Ministria e Financave do të alokojë fondet e nevojshme për të siguruar qëndrueshmërinë financiare të reformës nga mbështetja buxhetore sektoriale e Bashkimit Evropian;
10. Institucionet zbatuese të reformës së administratës publike zotohen për hartimin e një analize të vlerësimit real të kostos së reformës së administratës publike – deri në fund të muajit dhjetor 2016 – duke u bazuar në aktivitetet e parapara sipas strategjive korresponduese për secilin institucion për periudhën 2016 – 2019;
11. Miratohet Raporti Gjashtëmujor për periudhën Janar – Qershor 2016 mbi Zbatimin e Strategjisë për Modernizim të Administratës Publike, hartuar nga Departamenti për Menaxhim të Reformës së Administratës Publike (DMPAR) – gjetjet kryesore të së cilit rekomandojnë ndërmarrjen e hapave të ardhshëm si në vijim: 1) Zbatimi i sistemit të ri të pagave dhe klasifikimit të vendeve të punës së nëpunësve civilë (meqenëse mbetet një nga sfidat kryesore në shërbimin civil meqenëse as me rastin e rishikimit të buxhetit për vitin 2016 nuk është përfshirë implikimi përkatës fiskal); 2) Sigurimin e mjeteve financiare nga ana e Ministrisë së Financave për zbatimin e aktiviteteve të parapara për t’u zbatuar me Planin e Veprimit për zbatim të SMAP, sikurse aktiviteti për Platformën e Interoperabilitetit; 3) Ndërmarrja e hapave drejt funksionalizimit të strukturës organizative përgjegjëse për procedurat administrative dhe ofrimin e shërbimeve publike në kuadër të Ministrisë së Administratës Publike;
12. Nga institucionet raportuese, përgjegjëse për zbatim të kornizës strategjike të Reformës së Administratës Publike, kërkohet që të paraqesin të dhënat e kërkuara nga DMRAP sipas kriterëve të përcaktuara nga Koncept-Dokumenti për Monitorim dhe Vlerësim të RAP, në mënyrë që të sigurohet cilësia dhe paraqitja në kohë e informacionit për raportim.

Pjesëmarrës:

Anëtarët e KMRAP

1. Z. Mahir Yagcilar, Ministër i MAP
2. Z. Avni Kastrati, Zv. Ministër i MTI
3. Z. Agim Krasniqi, Zv. Ministër i M

Pjesëmarrës të tjerë:

Hajredin Hyseni, ZV Ministër MAP

Arton Berisha, SP (MAP)

Tefik Mahmuti, Drejtor (MAP)

Arben Krasniqi, Drejtor (ZKM)

Valon Gashi, Drejtor (MIE)

Qemajl Marmullakaj, Drejtor (ZPS-ZKM)

Skender Sallauka Këshilltar (MAP)

Bardha Rrustemi, Këshilltare (MAP)

Blerta Kelmendi (MAP)

Visar Xani (MAP)

Gafurr Hasani (MAP)

Shpresa Kaciku (UNDP)

Gezim Kolgeci (UNDP)